

卷之七

任脉圖論

步穴歌

督脉圖論

步穴歌

奇經八脉

卷之八

正内形圖

背内形圖

側内形圖

百骸歷解

背經總圖

面經總圖

經穴交貫歌

十五絡歌

經絡長短數

三部臟腑脉位圖

寸關尺解

頭面圖說

腹脇手臂圖說

腰脊圖說

足膝圖說

附錄上卷

附錄下卷

目錄終

臟腑證治圖說人鏡經卷之一

肺大腸圖



會厭綴於舌本之下正應乎氣管之上氣管即喉嚨也居於前主持呼吸為聲音之門戶又曰吸門十二節上三節微小下九節微大第四節乃結喉也結喉可容得上三節於內如進飲食則結喉即起套於上三節之外直抵於會厭之下而揜之令水穀不得而漏入焉一或誤投之即發噎而不已矣

寅肺金主手太陰經卯大腸主手陽明經此二經爲表裏肺位居高爲諸臟之華蓋經云藏真通於肺以行榮衛陰陽又云肺者相傳之官

相宰相傳保傳

治節出焉

難經云肺重三斤三兩六葉兩耳凡八葉主藏魄

肺白象金肺得水而浮金得水而沉何也然肺者非爲純金也辛商也丙之柔大言陰與陽小言夫與婦釋其微陰婚而就火其意樂火又行陽道多故令肺得水而浮也肺熟而復沉是辛歸庚也

始由從化終則歸元

五臟俱等而心肺獨在膈上者何也然心者血肺者氣血爲榮氣爲衛相隨上下謂之榮衛通行經絡營周於身故令心肺在膈上也

肺形如人肩二布大葉四垂如蓋附着於脊之第三椎中有二十零四孔以分布諸臟清濁之氣

椎音推顛同

經云肺色白其臭腥其味辛其聲哭其液涕

肺屬金乾爲天乾者金也故曰天氣通於肺故應天上連於會厭會厭者聲音之門戶肺屬金律應黃鍾

象金石之有聲也

厭音揜

金王於秋相於季夏廢於冬囚於春死於夏其王日

庚辛王時日晡其困日甲乙困時平旦其死日丙丁

死時禺中

晡音通申時也禺中日中也

經曰肺者氣之本魄之處也其華在毛其充在皮爲陽中之太陰通於秋氣又云西方白色入通於肺開竅於鼻又云五氣入鼻藏於肺肺有病鼻爲之不利故曰肺不和則鼻不聞香臭又曰背爲陽陽中之陰肺也又云精氣并於肺則悲

肺惡寒形寒飲冷則傷肺

肺主氣氣病無多食辛

久臥傷氣勞傷於肺

損其肺者益其氣

脾胃一虛肺氣先絕

白欲如鷺羽不欲如鹽又云白如豕膏者生如枯骨者死

肺熱病右頰先赤

肺俞在背第三椎其募在胸旁中府

俞爲陽扁鵲傳作輸猶委輸之

輸經氣由此而輸於彼也募爲陰猶募結之募經氣聚於此也

肺氣虛則鼻息不利少氣實喘喝

音褐胸盈仰息

邪在肺則皮膚痛發寒熱上氣氣喘汗出欬動肩

肺熱病者先淅然厥起毫毛惡風寒舌上黃身熱熱

爭則喘欬痛走胸膺背不得太息頭痛不堪汗出而

寒丙丁甚庚辛大汗氣逆則丙丁死刺手太陰陽明

八鏡經 卷一  
出血如大豆立已

浙音昔洒浙也厥冷也邪氣也即傷寒傷風類

肺癰者令人心寒寒甚熱熱間善驚如有所見者刺

手太陰陽明

列缺穴

心移熱於肺傳為鬲消

肺欬之狀欬而喘息有音甚則唾血肺欬不已則大

腸受之大腸欬狀欬而遺矢

矢屎也

肺風之狀多汗惡風皤然白時欬短氣晝日則瘥暮

則甚診在眉上其色白

皤音聘 腸白貌

肺脹者虛而滿喘欬倚息目如脫狀

肺水者身重而小便難時澹泄

肺中寒者吐濁涕

肺痺者煩滿喘而嘔

音壁 跛也

肺熱葉焦發為痿躄

音壁 跛也

肺之積名息賁在右脇下

賁音奔 平聲

右寸肺大腸脉所出

浮短而瀉肺也 浮短而疾大腸也

肺合皮毛肺脉循皮毛而行持脉指法如三菽之重

按在皮毛而得者為浮稍稍加力脉道不利為瀯又

瀯音穉瀯也 菽豆也

稍加力不及本位曰短也

帝曰秋脉何如而浮岐伯曰秋脉者肺也西方金也萬物所以收成也故其氣來輕虛以浮來急太散故

曰浮反此者病曰何如而反答曰其氣來毛而中央  
堅兩傍虛此謂太過病在外其氣來毛而微此謂不  
及病在中曰秋脉太過與不及其病皆何如答曰太  
過則令人逆氣而背痛愠愠然其不及則令人喘呼  
吸少氣而欬上氣見血下聞病音

肺脉來厭厭聶聶如落榆莢曰肺平秋以胃氣爲本  
脉來不上不下如循雞羽曰肺病脉來如物之浮如

風吹毛曰肺死

厭淹入聲  
聶音攝

肺病身有熱欬嗽短氣吐出膿血其脉當短濇今反  
浮大色當白而反赤死是火尅金也

真肺脉至大而虛如以毛羽中人膚色白赤不澤毛  
折乃死

肺脉搏堅而長當病吐血其栗而散者當病灌汗至

令不復散發也

血汗者禁再汗至今謂  
至盛暑之令也栗音軟

秋肺脉欲浮而短濇腎脉欲微而伏命門脉欲微而  
滑肝脉欲浮而弦細心脉欲浮而洪脾脉欲浮而

微緩

扁鵲曰假令得肺脉其外證面白善嚏悲愁不樂欲  
哭其內證臍右有動氣按之牢若痛其病喘欬洒淅  
寒熱有是者肺也無是者非也又云手太陰氣絕則  
皮毛焦太陰者肺也行氣溫於皮毛者也氣弗營則

皮毛焦皮毛焦則津液去津液去則皮節傷及節傷則皮毛枯折毛折者則毛先死丙日篤丁日死肺實夢兵戈虛夢見白物見人斬血籍籍或行水田肺氣盛則夢恐懼哭泣厥氣客於肺則夢飛揚金器大腸一名迴腸以其回屈而受小腸之穀故名之也經云大腸者傳道之官變化出焉

大腸重二斤十二兩長二丈一尺廣四寸徑一寸五分當臍右迴疊積十六曲盛穀一斗水七升半

廣腸一名肛門言其處如車缸形故曰肛門卽廣腸也一名直腸受大腸之穀而道出焉又曰魄門亦爲五藏使水穀不得久藏

大腸俞在脊十六椎旁募在臍旁天樞

俞爲陽在背募爲陰在腹

大腸爲白腸

大腸病者腸中切痛而鳴濯濯寒則驚澹熱則垢膩厥氣客大腸則夢田野

大腸有宿食寒慄發熱有時如癰狀

大腸脹者腸鳴而痛濯濯冬日重感于寒則飧泄不化

水氣客於大腸疾行則鳴濯濯如囊裹漿

小腸移熱於大腸爲虛瘕爲沉

虛卽伏字瘕音假

# 手太陰肺經



凡十一穴左右兩行共二十二穴起於中焦出中府

手太陰肺之脉起於中焦中焦下絡大腸還循胃口口門

上膈屬肺從肺系橫出腋腋下循臑內行少陰心主

之前下肘中尺澤循臂內上骨下廉直大指曰上骨內謂內側入寸

口經上魚循魚際出大指之端少商其支者從腕後直

出次指內廉出其端臑音如膊下對腋處為臑蓋有肘之間也腕音換

太陰肺兮出中府雲門之下一寸許雲門氣戶傍二

寸人迎之下二骨數天府腋下三寸求俠白肘上五

寸主尺澤肘中約紋論孔最腕中七寸舉列缺腕側

寸又半經渠寸口陷脉取太淵掌後橫紋頭魚際節

後散脉裏少商大指內側尋喉腫鍼之隨得愈

而晉

手而瞽

音務目  
不明也

此爲臂厥是主肺

人迎也

手陽明大腸經



凡二十穴左右兩行共四十穴自少商穴交與商陽循肘上行至鼻旁迎香穴止

手陽明大腸之脉起於大指次指之端陽商循指上廉

出合谷兩骨之間上入兩筋之中循臂上廉入肘外

廉曲池循臑外前廉上肩出髃音偶骨之前廉上出柱骨

之會上下入缺盆絡肺下膈屬大腸其支別者從缺

盆上頸貫頰入下齒縫中還出挾口交人中水溝左之

右右之左上挾鼻孔迎香

手陽明今屬大腸食指內側號商陽本節前取二間

定本節後尋三間強岐骨陷中尋合谷陽谿腕中上

側詳腕後三寸是偏歷五寸之中溫溜鄉下廉上廉

下一寸上廉里下一寸方屈肘曲中曲池得池下二

寸三里場肘膠大骨外廉陷五里肘上三寸量臂臑

髃下一寸取肩髃肩端兩骨當巨骨肩端义骨內天

鼎缺盆之上藏扶突曲頰下一寸禾郄五分水溝傍

鼻孔兩傍各五分左右二穴皆迎香膠音溜去聲

手陽明大腸經多血多氣

是動病則齒痛頰腫頰音抽是主津液

所生病者目黃口乾𦣻衄喉痺肩前臑痛大指次指

痛不用氣有餘則當脉所過者熱腫虛則寒慄不復

盛者人迎左手大三倍於寸口右手虛者人迎反小於寸

口也𦣻音求衄女六切痺音弊

陽明司天燥淫所勝平以苦溫佐以酸辛以苦下之  
在泉燥淫於內治以苦溫佐以甘辛以苦下之  
六氣陽明之勝治以酸溫佐以辛甘以苦泄之  
陽明之復治以辛溫佐以甘苦以苦泄之以苦下之  
以酸補之

金位之主其瀉以辛其補以酸五氣陽明位也

陽明之客以酸補之以辛瀉之以苦泄之

乙庚化金其音曰商庚陽爲太商乙陰爲少商平運  
曰正商

西方屬金而生燥陽氣已降陰氣復升風氣勁切故  
生燥也夫巖谷青埃川原蒼翠烟浮草樹遠望氤氳  
此金氣燥之化也夜起白朦輕如微霧遐邇一色星  
月皎然此萬物成陰亦金精白露之氣也太虛埃昏  
氣鬱黃黑視不見遠無風自行從陰之陽如雲如霧  
此亦爲金精霜肅之氣也

金運太過堅成之紀其政肅殺凋零肝木受邪民病

少腹兩脇痛目赤眦瘍耳聲上應太白星

眦音恣  
瘍音陽

金運不及從革之紀其政燥爍

音削

躁切金衰火行生

氣民病肩背脊重𩑦衄嚏血便注下上應熒惑星

金運平氣審平之紀收而不爭殺而無犯五化宣明

其氣潔其化歛其政肅氣正民和

陽明燥金主五之氣在秋分六十日有奇天度至此清氣行萬物皆燥其客氣動加臨不一隨至而言政也

陽明司天燥淫所勝草木晚榮民病左肱脇痛寒清於中感而瘧肝經太衝脉絕者死不治

肱音區又音怯腋下也

金勝木絕故死當卯酉年上半年是也

陽明在泉燥淫所勝瞖霧清暝民病喜嘔口苦善太息脇痛不能反側甚則噎乾面塵身無膏澤足外反熱

當子午年下半年是也

手太陰陽明引經藥歌

寅肺升麻南欬桔玄檀山藥麥天冬阿膠茯苓味葱桑白枇杷麻黃豆蔻同梔縮苓知梗藿石升葶瓜芍枳蘇通

卯大腸有升麻芷薤白麻仁肉蔻膠白石脂膏砂石使將軍麻葛枳升翹

將軍大黃也

肺大腸補瀉藥方法

肺大腸金味酸補辛瀉氣涼補溫瀉

肺苦氣上逆急食苦以泄之訶子皮一作黃芩

肺欲收急食酸以收之以酸補之五味子以辛瀉之  
桑白皮

肺氣盛則苦氣上逆泄則不逆苦性宣泄急食苦  
以泄其氣逆

肺金受病制於火收則不受火尅而自寧故欲收  
酸能收急食酸以收之酸益肺故用以補辛性散  
逆故以辛瀉之

辛先入肺

肺宜食苦

肺虛五味子補之如無他證阿膠散補之補母脾土  
以甘草

肺實桑白皮瀉之如無他證以瀉白散瀉之若曰實  
則瀉其子腎水無實不可瀉

肺主燥自病則喘嗽必須潤之

實則喘而氣盛瀉白散虛則喘而少氣阿膠散

心乘肺賊邪熱而喘嗽先地黃丸中導赤散後阿膠  
散

肝乘肺微邪惡風眩冒昏憤而嗽羌活膏

脾乘肺虛邪體重吐痰泄瀉嗽人參白朮散

腎乘肺實邪憎寒嗽清利百部丸

凡肺之得病先觀心之虛實若心火炎盛燔金卽當先抑心氣後服肺藥若心氣和更看脾脉虛實若脾氣虛冷不能相生而肺家不足則風邪易感故患肺惡寒者由脾虛得之若脾氣盛實則亦痞滿中焦而大腸與肺表裏不能相通夫中焦熱膈則肺大腸不通其熱毒氣必上蒸於肺故患肺熱者多脾實得之心氣盛者瀉之脾氣虛者益之脾氣實者通之須隨其氣之寒熱以治之故有益心氣脾氣之藥當診其脉若心脾俱和肺自生疾則察肺之虛實而治之治心氣實熱燔金肺受心邪而生疾若心脉洪大於肺部微見心脉宜先服此抑心氣方

茯苓 黃芩 玄參 甘草 麥門冬 去心

升麻 桔梗 貝母 去心 牡丹皮 去骨 犀角 鎊各一錢

沉香 木香 各一錢二分

右爲細末每服三錢水一盞煎八分不拘時和渣服

治脾氣乏不能生肺而肺氣不足多感風邪益脾方

厚朴 製一兩 草豆蔻 人參 各五錢 甘草 一錢

乾薑 一錢六分

右爲細末每服三錢水一盞煎八分空心 and 渣服

治脾氣盛實痞隔中焦大腸與肺不能相通則熱氣

蒸於肺因而生疾若診得脾脉洪大宜通脾氣方

桔梗 大黃 麻黃 枳殼 柴胡 杏仁

羌活 木香 大腹皮 各一錢

右為細末每服三錢水一盞薑五片煎八分溫服

阿膠散又名補肺散

阿膠 一兩半 麩炒 馬兜鈴 五錢 焙 鼠黏子 二錢半 炒香

甘草 炙二錢半 糯米 一兩 杏仁 七粒去皮尖炒

右為末每服三錢水一盞煎六分食後溫服海藏云

杏仁本瀉肺非若人參天麥門冬之補也宜審之

瀉白散又名瀉肺散

桑白皮 細剉炒香 地骨皮 洗去骨炒一兩 甘草 炙五錢

右為末每服一二錢水一鍾入粳米百粒同煎至六

分食後溫服海藏用此瀉肺熱骨蒸自汗證梔子

黃芩亦能瀉肺熱當以血氣藥分之

治肺熱言瘖喘息短氣好睡下膿血方

生地黃 三錢 石膏 四錢 麻黃 二錢 杏仁 一錢八分

升麻 羚羊角 芒硝 各錢二分 赤蜜 一小盞

淡竹茹 彈大

右咬咀水二鍾煎八分去渣下蜜煮二沸溫服

橘皮湯治肺熱氣上欬息喘急方

陳皮

麻黃

各一錢

紫蘇

柴胡

各八分

宿薑

杏仁

去皮尖炒各一錢半

石膏

四錢

水二鍾先煮麻黃去沫下諸藥煎八分溫服

沫音淳

治肺熱喘息鼻衄方

羚羊角

玄參

射干

射音夜

雞蘇

芍藥

升麻

黃檗

各一錢

生地黃

三錢

梔子仁

淡竹茹

彈大

水二鍾煎八分要利者加芒硝一錢

治肺與大腸俱實令人氣憑滿煮散方

茯苓

麻黃

各六分

黃芩

大青

桂心

各三分

石膏

五錢

丹參

一錢

五味子

甘草

貝母

橘皮

芫薺

各三錢

枳實

二枚

右粗散帛裹方寸七井花水一盞煮五分溫服

也七匙四

方一寸

麻子湯治肺氣不足咳唾膿血氣短不得臥

麻子

一升

桑白皮

三兩

桂心

人參

各二兩

飴糖

大酒盞飴音仍

阿膠

紫苑

各一兩

乾地黃

三兩

右咬咀水十二鍾煎至五鍾分五服

小建中湯治肺與大腸俱虛寒之氣小腹拘急瘦瘠

大棗

四枚

生薑

桂心

各三錢

甘草

二錢

芍藥

五錢

右咬咀水二鍾煎一鍾去渣內飴一兩半煎八分溫

服

生薑泄腸湯治大腸實熱腹脹不通口内生瘡

生薑 陳皮 竹茹 黃芩 梔子 白朮

桂心 二錢 茯苓 各二錢 芒硝 各二錢 生地 搗汁二兩 大棗 二枚

右咬咀水二鍾煎八分溫服

黃連補腸湯治大腸虛冷利下清白腸鳴逐痛

黃連 五錢 川芎 茯苓 各三錢 地榆 五錢半 酸榴皮

伏龍肝 彈大

右咬咀水二鍾煎八分臨服下伏龍肝再煎二沸

治肺有風熱頭目昏眩皮膚瘙癢痒如蟲行

麻黃 羌活 川芎 射干 荊芥 山梔

紫蘇 牡丹皮 杏仁 去皮尖各一錢 黑丑 五錢 細辛

殭蚕 炒去絲各一錢二分

右爲細末每服三錢半水一鍾薑一片煎二三沸食

後和渣服

治肺感風寒而嗽服涼藥愈多清涕方

陳皮 三錢 麻黃 羌活 川芎 紫苑 桔梗 各二錢

細辛 一錢二分 甘草 一錢六分

右末每服二錢水一盞薑二片煎七分食遠服

治肺熱面生瘡胸中滯塞不時口有膠涎

人竟經

卷

六

紫蘇 桔梗 麻黃 羌活 丹皮 連翹各等分

右細末每服二錢食後熟湯送下

治一切遠近肺氣微感寒時却便打嚏漸加喘急必初感寒打嚏時即宜此方止之

陳皮三錢 麻黃 桔梗 防風 川芎 紫苑

羌活 杏仁 甘草 細辛各一錢

右末每二錢水一盞薑二片煎八分空心服

治大腸秘熱大便難煩躁頭疼腹脇滿口苦方

大黃炮 牽牛半生半熟 桔梗 枳殼 川芎

羌活 木香 柴胡 獨活各一錢

右細末熟煮茱萸蘆入藥末於內木臼同搗令可丸如

梧桐子大食後熟湯下三十粒

治大腸虛冷食少非時飧泄方

吳茱萸 訶子炮 丁香 草豆蔻 川芎

防風各等分 舶上硫黃六錢

右末煉蜜爲丸如梧桐子大每服三十丸食前米飲

下

肺有風氣四肢痿胸脹喘逆宜灸肺腧穴

腸中臙脹不消灸大腸腧臙音閭腹前皮也

大腸有熱腸鳴腹滿食不化喘不能久立巨虛上廉

主之

肺逆有痰喘嗽灸列缺

腸如雷鳴相逐下利灸承滿五十壯